



巡撫直隸等處地方管轄紫荊等關宣府一鎮
地方密雲等關隘贊理軍務兼理糧餉都察
院右僉都御史臣于成龍 謹

題爲訪拿霸棍事該臣看得衿棍劉平成等惡蹟
多端經臣訪拿

題叅奉

旨嚴究行據巡道僉事胡獻徵審擬招解臣復親訊
如劉平成霸佔河地添設煤行事皆有因而霸

佔未遂并佔張元吉房地質証無人又唆官夾
傷賈三夾死田進孝派丁幫夫優免差使各款
俱審無得贓實據無庸深究其冒領夫價并索
詐夫頭戎萬金等銀兩以及索詐棚匠白珩又
受孫萬林之錢而唆官刑梭孫氏強霸巨馬河
渡口橫索行客又索詐僧人萬亭得王允升之
錢而勒燬實濟借約詐娼妓如官等銀入已又
騙買娼爲妾之石魁銀兩恨魁索討率王錫爵

等繩拴毒打勒寫借約又詐孫五韓琇范得才
楊二狗等銀兩多寡不等以上各款歷審供証
明確劉平成亦俯首自認至黨棍王錫爵附惡
橫行分受擺渡銀勒詐白書辦助劉平成拴打
石魁勒寫借約又詐石魁銀兩與毆打州判官
役各款蹟亦皆自認不諱二犯除各贓款輕罪
不議外其率衆毆打石魁勒寫借約劉平成合
照光棍爲首例擬斬立決王錫爵照光棍爲從

側擬絞監候焦維藩同伊弟焦維漢倚仗平成
勢惡竟至毆傷親叔焦三手腕審供情真焦維
藩焦維漢應照律分別流徒董其三趙壯奇號
稱船頭強佔渡口勒詐行人依律克軍庄頭邊
聲道邊聲美金自貴管二王三宋朝佐雷繼麟
劉雙槐照律杖徒查係旗人解部發落孫萬林
劉秉道劉和恒各分別杖懲范得才誣告董桂
亭爲吳逆下人查係劉平成逼脅相應免議石

魁不守監規挾妓買娼相應革去監生涿州降
調知州陳一鳳聽從囑託相應指叅其署涿州
事涿水縣知縣談鎔將賈三不照竊盜杖刺夾
落兩足查出甄三德等廢錢旣欲解道復又中
止以致劉平成乘機詐騙革職知州曹封祖將
范得才誣告董桂亭爲吳逆下人之處不曾審
出劉平成主謀情由以致平成乘機勒索雖均
審無聽唆得贓情弊亦難辭漫無覺察之咎相

應與擅受民詞聽從平成說情之涿州前任丁
憂州判梁天錫陞任吏目黃際喜一併指叅但
查談鎔曹封祖梁天錫黃際喜俱事在康熙二
十三年九月二十四日

赦前應否援免聽候部議竊盜方三李大李二金大
已經另案完結賈三已被夾傷且事在

赦前應免擬罪劉平成等各名下所得銀錢俱照追
分別入官給主劉和衷張七緝獲另結理合具

題伏乞

勅部核覆施行康熙二十五年七月十六日題本月
二十六日奉

旨三法司核擬具奏該刑部會同院寺會看得衿棍
劉平成等行詐一案據直撫于成龍審擬斬絞
軍流徒杖具題前來查劉平成冒領夫價得銀
三十六兩又十年索詐夫頭戎萬金等共銀二
百四十兩又歷年索詐棚匠白珩等小錢共三

百一十二吊又因孫氏與伊小叔孫萬林爭房
訟官平成受孫萬林小錢五十吊囑州官陳一
鳳刑櫻孫氏係劉秉道過付平成又強佔巨馬
河渡口橫索行客三個月共得銀二百八十兩
王錫爵得銀三十兩船頭董其山趙壯奇各得
銀二十兩船戶邊聲道等八名共得大錢二十
九千八百文平成又指僧人萬亭與王氏有姦
詐小錢三十三吊又因僧人實濟向生員王允

升索逋互訟平成將王允升所還大錢二十吊
入已勒毀實濟借約因強盜高昇在娼妓如官
家飲酒平成詐如官等銀一百五十兩又因監
生石魁買娼爲妾平成誣石魁銀二百五十兩
恨魁向伊索討率黨棍王錫爵并伊子劉和衷
家人張七將石魁繩拴毒打勒寫借約事後王
錫爵得石魁銀二十四兩又因方三等竊郭庄
頭麥子寄放孫五家平成詐孫五銀二十五兩

因營兵欲告營書韓琇平成索韓琇銀七十兩
平成又脅范得才與董桂亭構訟索得才銀一
百二十兩平成又指楊二狗甄三德趙敏因攬
使廢錢共詐銀一百三十二兩黨棍王錫爵因
涿鹿衛白書辦欠伊口袋詐銀十兩王錫爵又
因州判梁天錫不聽伊情肆行辱罵官役該撫
歷審各自認情真劉平成等除索詐戎萬金等
銀兩輕罪均不議外將石魁繩拴毒打勒寫借

約劉平成應照凡惡棍勒寫借約取財用繩繫
頸蜂擁拿去處害此等真正光棍事發者不分
得財與未得財爲首者立斬例應擬斬立決王
錫爵應照爲從者擬絞監候秋後處決例應擬
絞監候秋後處決其平成之婿焦維藩弟焦維
漢倚仗平成勢惡毆傷親叔焦三手腕焦維藩
合依毆傷伯叔律并妻流二千里至配所責四
十板焦維漢應照爲從律減一等杖一百徒三

年至配所折責四十板董其山等強佔巨馬河
渡口橫索行客該撫將董其山趙壯奇比照楊
村蔡村等處如有用強攔截民運糧船包僱車
輛逼勒多出脚錢者發邊衛克軍律擬軍將邊
聲道等八人照爲從擬徒查董其山趙壯奇雖
在兩岸爲頭俱係劉平成所立且每日所得銀
錢除各船分用外餘俱交付劉平成不便將董
其山趙壯奇照爲首擬罪董其山等均改照爲

從減一等董其山趙壯奇各徒三年至配所各
責四十板邊聲道邊聲美金自貴管二王三宋
朝佐雷繼麟劉雙槐俱係旗下人應解部枷號
四十日鞭一百孫萬林小錢五十吊係劉秉道
過付查定例內以財行求及說事過錢者與受
財人同科等語據此孫萬林劉秉道合依枉法
贓一十五兩律應各杖九十折責三十五板劉
和恒見父劉平成行惡不行勸阻合依不應重

律杖八十折責三十板石魁買娼爲妾應交與
該部革去監生至范得才誣告董桂亭係平成
逼脅竊盜方三等已經另案完結均毋庸議竊
盜賈三事在康熙二十三年九月二十四日

赦前免罪劉平成等各名下贓銀均照追分別入官
給主其脫逃之劉和裏張七嚴緝獲日另結至
署州事涑水縣知縣談鎔將竊盜賈三不行責
刺夾落兩足又查出甄三德等廢錢不行解道

並革職知州曹封祖將范得才誣告董桂亭不
曾審出劉平成主謀情由以致平成乘機詐害
涿州丁憂州判梁天錫陞任吏目黃際喜擅受
民詞將伊等均應一併查議但伊等事俱在康
熙二十三年九月二十四日

赦前談鎔曹封祖梁天錫黃際喜均應免議降調知
州陳一鳳聽從劉平成唆稜孫氏應交與吏部
議處至應擬徒罪董其山趙壯奇錯擬軍罪之

承審各官應查議查定例內承問各官擬罪稍輕引律稍有未協遺錯過失等項將案內查明非係果實徇私免其究叅卽行改正等語據此承問各官應免其查議可也等因康熙二十五年八月初七日題本月二十七日奉

旨劉平成著卽處斬王錫爵依擬應絞著監候秋後處決餘依議

巡撫直隸等處地方管轄紫荆等關宣府一鎮地方密雲等關隘贊理軍務兼理糧餉都察

院右僉都御史臣于成龍 謹

題爲請杜捏契賣身之弊以免逃人牽累地方事竊惟民人賣身旗下如有潛逃隱匿地方拏獲之日官民胥被其害康熙十八年部

題定例旗下人用印買民徑令用印衙門呈報戶部移咨該撫轉行地方官出示曉諭奉

肯遵行在案臣思賣身旗下之人其文契所開姓名籍貫若果真實無偽該地方官奉有部文示知里甲如賣身之人回籍地保隣佑自必報官拿解不敢隱匿詎意有等狡猾之徒或因作奸犯科或因躲避差徭思圖賣身以爲掩護其寫契賣身之時竟改易姓名假捏籍貫村庄雖行文知照所指地方多有不實一旦私逃回家鄉黨之中不知其賣身卽本人父母兄弟亦不知其

賣身無由覺察容留居住迨至本主撞遇聲說賣身情由始知假捏姓名村庄以致官蒙失察之議民受窩隱之罪貽害地方莫此爲甚更有隻身投賣而契內捏開妻子姓名本主不問其有無惟以印契爲憑及行文地方官知照查訊其人原係無妻無子而奸惡之輩不過借此肆害指稱被人霸佔藏匿恣行誣陷臣歷查各案如無極縣人閆成名之妻徐氏已賣與馬進表

爲妻後成名賣身正黃旗黑達子家又將徐氏
載入契內又溪州人馮秀魁同妻鄧氏子黑狗
賣身廂黃旗班低家契內雖書妻子姓名而不
書本身之名因與馮遇星有讐將遇星父子姓
名一併載入契內又束鹿縣龔文秀之妻賈氏
已賣與朱保山爲妻後文秀賣身正黃旗石頭
家又將賈氏載入契內以上三起俱經前撫臣
格爾古德咨部在案又葉城縣人王殿將本身

并妻子賣與正黃旗趙文弘家妻子仍住原籍
並不歸旗且妻係石氏子名王三小契內書妻
史氏子金哥經前撫臣崔澄咨部在案又天津
衛人賈至善強佔丘宗孔價買房屋被丘宗孔
告發至善賣身正黃旗阿哈塔家係康熙二十
四年七月二十日在北城兵馬司用印而契內
捏寫二十二年十月內賣身已經刑部查明移
咨在案又戶部移咨內開江陵縣申報廂黃旗

披甲康四兒買張岐鳳爲僕係順義縣南門內
鼓樓跟前居住行據順義縣申稱南門內並無
鼓樓亦無張岐鳳賣身等情在案又束鹿縣人
李興旺之女大姐賣與趙萬林爲妾二姐賣與
陳醇爲婢後興旺賣身正黃旗頗勒家又將大
姐二姐載入契內經臣咨部在案凡此種種詐
冒案據昭然若不議除長此安窮臣

請自今以後凡有各旗買人文契用印者該衙門

訊明賣身之人姓名是何州縣人住何村庄有
無妻子人口未押印而先報部行文該撫轉行
地方官確查如果真實然後行令該衙門將契
用印給發自無假捏之弊臣更思賣契押印先
後總一行文知照與其既用印之後而行知照
難以辨其真僞何如知照明白而後押印自無
所容其欺詐不過一轉移間既與定例無礙而
官民均稱其便矣臣仰體

皇上愛養黎元剔奸除弊至意旣知奸民賣身旗下
有此詐冒押印情由何敢緘默不言有負任使
恩故不避瑣賣上

請緣係條陳旗下買人押印事理字稍逾額如果

臣言可採伏祈

皇上睿鑒

勅部議覆施行臣未敢擅便謹

題請

旨康熙二十五年四月十六日題本月二十五日奉

旨該部議奏

巡撫直隸等處地方管轄紫荆等關宣府一鎮
地方密雲等關隘贊理軍務兼理糧餉都察
院右僉都御史臣于成龍 謹

題爲悍弁戀缺擾民祈請速調以安地方事該

臣

看得房山縣士民齊揆等公許千總張振明劣
蹟據巡道胡獻徵逐款審明內除張振明并伊
兵丁李憨頭等違法擾民等款証無據及事
在

赦前不議外惟張振明擅閉城門阻滯貿易共得各
鋪戶小錢十五千過付之郭良弼供証甚確張
振明係貪官犯枉法贓應計贓擬罪但未經革
職不便遽行發落巡道胡獻徵呈詳前撫臣崔
澄批令移知天津鎮臣報部斥革部臣以張振
明係年滿送部候推守備之員不便據呈據議
張振明相應指叅以聽部覆臣謹會同天津鎮
臣劉國軒合詞具

題伏乞

勅部議覆施行臣等未敢擅便謹

題請

旨康熙二十五年閏四月初二日題本月 日奉

旨這所叅張振明着革了職該撫嚴提究擬具奏該
部知道

巡撫直隸等處地方管轄紫荆等關宣府一鎮
地方密雲等關隘贊理軍務兼理糧餉都察
院右僉都御史臣于成龍 謹

題爲悍弁戀缺擾民祈請速調以安地方事該

臣

看得房山縣革職千總張振明擅閉城門勒索

舖戶一案經

臣

會同天津鎮臣劉國軒具疏

題叅奉

旨嚴提究擬行據巡道僉事胡獻徵審擬招解

臣復

親訊緣房山縣城南北二門直通大道商賈往來各舖戶藉以貿易振明假以防盜爲名擅行關閉以致行人稀而貿易絕各舖戶情極歛小錢十五千央郭良弼過付轉給振明家人劉祿交與振明收受審供不諱張振明按律計贓科斷應杖八十郭良弼說事過錢照例同科亦應杖八十時逢熟審各予減等發落此案係告發之贓其贓錢應照追給主劉祿罪坐伊主無容應無庸議理合具

題伏乞

勅部議覆施行臣未敢擅便謹

題請

旨康熙二十五年六月二十五日題七月初五日奉旨該部核擬具奏該本部看得房山縣革職千總張振明婪贓一案據直撫于成龍審擬杖罪具題

前來查房山縣城內大道商人開鋪貿易張振明假以防盜爲名擅行關閉城門鋪戶隗大賢等情極斂小錢十五千央郭良弼過付轉給振明家人劉祿交與振明收受該撫歷審各自認情真張振明合依凡關津守把之人無故阻當取財者以枉法計贓科罪一兩至五兩杖八十律應杖八十遇熱審減等應杖七十不准折贖折責二十五板係貪官永不叙用郭良弼應照

凡說事過錢與受財人同科例亦責二十五板革伍付錢之劉祿係張振明家人過付伊主錢處無庸議隗大賢等出錢原非甘心且係伊等告發亦無庸議贓錢照追給主可也等因康熙二十五年七月十八日題本月二十日奉

旨依議

巡撫直隸等處地方管轄紫荆等關宣府一鎮
地方密雲等關隘贊理軍務兼理糧餉都察
院右僉都御史臣于成龍 謹

題爲特叅假冒詐騙事該臣看得旗人黃四等勾

結民人陳忠等冒稱臣之家丁在通州地方鹵

酒宿娼經該州知州傅澤洪拿解到臣揆其情

事必定往來各處詐騙多金庭訊之下雖未盡
吐而已直認有廂紅旗華善佐領下四寶家陳

人販馬的王回子等與伊造謀設騙王回子今
在

京等語關旗民結夥設騙有干

功令應請

勅部將王回子押發到臣容臣嚴究律擬請

旨發落至通州知州傅澤洪能照臣通行條約留心

稽察據首奸棍卽行拿解雖職分當爲而實力
奉公亦難泯沒理合一併

題明統祈

睿鑒施行臣未敢擅便謹

題請

旨康熙二十五年閏四月初五日題十四日奉

旨據奏黃四等冒稱該撫家丁結夥詐騙大干法紀
併王回子等着該撫嚴拿究擬具奏餘着議奏該
部知道

巡撫直隸等處地方管轄紫荊等關宣府一鎮
地方密雲等關隘贊理軍務兼理糧餉都察
院右僉都御史臣于成龍 謹

題爲特叅假冒詐騙事該 臣 看得黃四冒稱 臣 之
家丁結夥詐騙經通州知州傅澤洪拿獲解 臣

審明具

題奉

旨將黃四并王圓子等嚴拿究擬行據巡道僉事胡

獻徵詳稱黃四先與民人陳忠劉明至保安延慶天津等處招搖設騙又至良鄉縣之琉璃河糾合李四劉二爲同夥酗酒宿娼又至通州計哄劉寶家人畢大同往天津迎船回至蔡村卽有旗人方可貴招飲而周之鼎又送下程娼妓畢大歸告伊主旋卽舉首歷審自行供認黃四等造謀設騙有干

功令似應從重擬罪但尚未得財律無從重之條

黃四劉二李四應照律文條例分別首從枷責王回子知黃四設謀詐騙未與同行但不首明責儆允宜查黃四王回子係旗下人應解部發落方可貴周之鼎亦係旗人聽部就近行提治罪陳忠劉明嚴緝另結黃四名下倒馬皮臟變價并鞍轡變價入官旣據該道招解前來理合具

題伏乞

勅部核議施行臣未敢擅便謹

題請

旨康熙二十五年八月二十一日題九月初一日奉
旨該部核議具奏該刑部看得黃四等假冒圖詐一
案據直隸巡撫于成龍審擬枷責具題前來查
黃四冒稱巡撫于成龍家丁與在逃之陳忠劉
明招搖設騙糾合現獲之李四劉二酗酒宿娼
又黃四畢大供旗人方可貴招飲周之鼎送下

程娼妓該撫歷審各認情真查律內詐稱見任
官家人有所求爲者杖一百爲從者各減一等
又假克大臣家人豪橫鄉村生事者犯該杖罪
以下枷號一個月發落等語黃四係旗下人應
解部照律枷號一個月鞭一百李四劉二係隨
從之人應各減一等枷號二十五日杖九十折
責三十五板王回子知黃四設謀詐騙不行首
明合依不應重律應杖八十係旗下人解部鞭

八十陳忠劉明緝獲之日另結劉寶畢大已經
舉首毋庸議黃四倒斃馬皮鞍轡非係詐得之
物應給黃四收領該撫疏稱旗人方可貴周之
鼎聽部就近行提治罪等語但方可貴周之鼎
未經審取口供不便遽議應俟總管內務府將
方可貴周之鼎解部之日審明照律完結等因
康熙二十五年九月初十日題本月十五日奉
旨黃四李四劉二冒稱巡撫家丁招搖設騙情罪殊

爲可惡着俟枷責完日發與寧古塔新滿洲披甲
之人爲奴餘依議

巡撫直隸等處地方管轄紫荆等關宣府一鎮
地方密雲等關隘贊理軍務兼理糧餉都察
院右僉都御史臣于成龍 謹

題爲打死人命事該_臣看得栢鄉縣廩生魏裔侗
嗔驛遞厨子任福洪不爲裔侗服役康熙二十
五年四月二十九日喝令李如門等將任福洪
持棍狠毆裔侗又親身踢傷福洪腎囊以致當
日身死據該縣檢審傷真供確詳報前來查魏

裔侗現係廕生未便定擬理合具

題伏乞

勅部將魏裔侗革去廕生以便依律擬罪請

旨發落臣未敢擅便謹

題請

旨康熙二十五年閏四月十五日題本月二十六日

奉

旨魏裔侗着革去廕生該撫嚴提究擬具奏該部知

道

巡撫直隸等處地方管轄紫荆等關宣府二鎮
地方密雲等關隘贊理軍務兼理糧餉都察
院右僉都御史臣于成龍 謹

題爲打死人命事該_臣看得栢鄉縣廕生魏裔侗
打死任福洪一案經_臣具疏

題叅奉

旨革去廕生行_臣嚴提究擬行據巡道僉事胡獻徵

審明律擬招解_臣復親訊緣康熙二十五年四

月二十九日裔侗呼喚驛厨任福洪烙餅稍遲
輒加詈罵福洪還言不遜遂喝令家人王國彥
等六人執持鞭棍輪流擊打福洪遍體受傷裔
侗猶嗔家人下手尚未克辣又加親毆脚踢腎
囊以致福洪當夜身死明係臨時有意欲殺魏
裔侗合依故殺者律擬斬監候王國彥執持克
器毆有致命重傷合依共毆人律邊衛克軍朱
印楊繼遠李如門馮夏王國佐合依餘人律滿

杖劉志遠等審係無干相應省釋理合具

題伏乞

勅部核議施行

臣

未敢擅便謹

題請

旨康熙二十五年九月三十日題十月初九日奉

旨三法司核擬具奏該本部會同院寺會看得魏裔
侗打死任福洪一案據直撫于成龍審擬斬戍
杖罪具題前來查魏裔侗於康熙二十五年四

月二十九日因呼喚任福洪烙餅稍遲輒加詈罵福洪還言不遜裔伺遂令家人王國彥等六人執持鞭棍令其打死輪流擊打裔伺又復親加脚踢腎囊致福洪當夜身死歷審各自認情真魏裔伺合依凡故殺者斬監候律應擬斬監候秋後處決王國彥合依共毆之人執持兇器有致命傷痕者發邊衛克軍律應僉妻發邊衛克軍至配所責四十板朱印楊繼遠李如門馮

夏王國佐合依餘人律各杖一百折責四十板劉志遠等審係無干應無庸議等因康熙二十五年十月十七日題本月十九日奉

旨魏裔伺依擬應斬着監候秋後處決餘依議

巡撫直隸等處地方管轄紫荊等關宣府一鎮
地方密雲等關隘贊理軍務兼理糧餉都察
院右僉都御史臣于成龍 謹

題爲特叅違禁科派州牧以肅官方事竊照康熙
二十五年例應編審丁徭臣恐不肖有司指稱
供應與造冊諸費科派里甲及縱容衙役需索
等弊業經嚴檄各道府通行禁飭在案乃有永
平府灤州知州徐原本編審各社人丁藉紙張

使費名色肆行派擾據道府揭報劣款與臣訪
聞無異此一官者違禁派索賂吸民膏穢跡彰
著怨聲沸騰難容濫居民上所當特疏

題叅請

旨革職同有名蠹役一併提問究擬者也臣未敢擅

便謹

題請

旨康熙二十五年閏四月二十七日題五月初八日

奉

旨這所叅徐原本着革了職其科派各款併本內有
名蠹役該撫嚴提究擬具奏該部知道

巡撫直隸等處地方管轄紫荆等關宣府一鎮
地方密雲等關隘贊理軍務兼理糧餉都察
院右僉都御史臣于成龍 謹

題爲殺死兄命事該_臣看得盧氏克滂之婦也與
陳孝通姦被夫劉天明知覺將氏毆打盧氏因
而懷恨遂與陳孝商謀殺害訂期於康熙二十
四年十月初三日夜陳孝潛至劉天明家乘天
明睡熟盧氏按頭陳孝持刀將劉天明立時殺

死擲屍井內以圖滅跡迨至康熙二十五年四月二十一日天明之弟劉天付獲屍井中根究告發歷經研審盧氏陳孝俱自認謀害情真盧氏應依謀害親夫律凌遲處死陳孝擬斬監候餘審無干均應省釋理合具

題伏乞

勅部核議施行康熙二十五年五月二十二日題六月初二日奉

旨三法司核擬具奏該刑部會同院寺會看得盧氏與陳孝通姦將親夫劉天明謀殺一案據直撫于成龍審擬磔斬具題前來查陳孝與盧氏通姦被劉天明知覺將氏毆打盧氏因而懷恨遂與陳孝商謀於康熙二十四年十月初三日夜陳孝潛至劉天明家乘天明睡熟盧氏按頭陳孝持刀將劉天明立時殺死擲屍井中以圖滅跡迨天明之弟劉天付啟井得屍告發歷審盧

氏陳孝俱各自認情真盧氏合依凡妻因姦同謀殺死親夫者凌遲處死姦夫處斬監候律盧氏應卽凌遲處死陳孝應擬斬監後秋後處決等因康熙二十五年六月十二日題十四日奉旨盧氏着卽凌遲處死陳孝依擬應斬着監候秋後處決

巡撫直隸等處地方管轄紫荆等關宣府一鎮地方密雲等關隘贊理軍務兼理糧餉都察院右僉都御史臣于成龍 謹

題爲舉報隱匿錢糧以裕

國課事該_臣看得商牙雜稅俱屬

國課毋容濫收侵隱查永平府商牙雜稅向係經歷司收交該府起解今據守道叅議朱弘祚巡道僉事胡獻徵通永道僉事宋榮揭稱據署府

事同知趙邦牧報稱前任革職知府佟世錫任
事五年有餘計算共隱匿稅銀二萬二千二百
餘兩有日收紅簿用印報單爲憑又有管關降
調通判黃鴻猷收解稅銀五十四兩零歷年解
府亦係隱匿約有六百餘兩印封原銀批文現
在等情查康熙二十五年五月初一日欽奉

上諭有以諭前事叅奏訐告者一概不准但事關隱
匿稅課至二萬有奇關係甚鉅臣不敢隱默除

批行通永道僉事宋犖嚴提革職知府佟世錫
現任經歷方琚降調通判黃鴻猷及司書課皂
經手人役審確隱匿稅銀實係若干另疏

題報外理合先行指叅伏乞

勅部察議施行臣未敢擅便謹

題請

旨康熙二十五年六月十四日題本月二十四日奉
旨該部嚴察議奏該臣等查得直撫于成龍疏稱永

平府商牙雜稅向係經歷司收交該府起解前任革職知府佟世錫任事五年有餘共隱匿稅銀二萬二千二百餘兩又管關降調通判黃鴻猷收解稅銀歷年解府亦隱匿約有六百餘兩除嚴提革職知府佟世錫現任經歷方琚降調通判黃鴻猷及經手人役確審另題外合先指叅等因前來相應行令該撫將佟世錫等隱匿稅課銀兩作速嚴行究審明白具題之日再議

可也等因康熙二十五年六月三十日題七月初二日奉

旨依議

巡撫直隸等處地方管轄紫荆等關宣府一鎮
地方密雲等關隘贊理軍務兼理糧餉都察
院右僉都御史臣于成龍 謹

題爲舉報隱匿錢糧以裕

國課事該_臣看得永平府徵收商牙雜稅一案先
據守道朱弘祚巡道胡獻徵通永道宋犖揭報
原任知府佟世錫任內侵匿稅銀約有二萬二
千二百餘兩_臣因此事雖在康熙二十五年五

月初一日

上諭以後發覺但事關重大不敢隱默故特疏

上聞迨經部覆奉

旨提問臣隨行令各該道朱弘祚等會同嚴鞠今據

詳稱該道朱弘祚等之揭報原以同知趙邦牧之呈報爲據而趙邦牧以署篆兩月有六百餘兩之附餘以此約算佟世錫有二萬二千二百餘兩之侵隱及研究經收稅銀之經歷方瑀等

咸稱永平府商雜等稅每月多寡不等必俟年終通融合算方有確數趙邦牧署理府篆乃係三四兩月廟會之期商賈輻輳故有此數佟世錫任內溢額之銀并多收牙稅並無二萬二千二百有奇實止附餘銀五千六百四十兩之數及研究佟世錫供稱此項附餘銀兩實係因公費用訖並非入已等語查佟世錫因公費用卽或是真從前並非詳報奏銷者查律凡附餘錢

糧私下銷補別項事故以監守自盜論佟世錫
與監守自盜之律相符查事在康熙二十五年
五月初一日

上諭以前得邀

皇仁之浩蕩免死擬流係旗下革職之員應解部照
例發落附餘銀兩并多收牙稅以及趙邦牧出
首銀兩俱解部克餉臣再有

請者恭繹康熙二十五年五月初一日

上諭侵欺正項錢糧不准寬宥其商雜等稅原非正
項錢糧且在

上諭以後發覺佟世錫可否免罪

寬恩出自

睿裁非_臣所敢擅便者也其降調通判黃鴻猷所解
稅銀乃係補還佟世錫墊解二十四年秋冬兵
餉經歷方琚隨收隨解俱無隱匿情弊均無庸
議至於額外牙名皆係失業窮民無可資生趕

集評價所得些須以圖餬口似應免其擬罪仍
盡行禁革永平府商雜稅銀以後每年應增額
銀一千兩其從前各知府併經歷等官歷年久
遠且在屢

赦以前應否免其提問各該道從前失於覺察今仍
係各該道揭報發覺相應免議其失於覺察之
前撫臣崔澄事亦在康熙二十五年五月初一
日

上諭以前應否免其處分統聽部議理合具

題伏乞

勅部議覆施行謹

題請

旨康熙二十五年十月十八日題

巡撫直隸等處地方管轄紫荊等關宣府一鎮
地方密雲等關隘贊理軍務兼理糧餉都察
院右僉都御史臣于成龍 謹

題爲密拿積賊以靖地方事該_臣看得強賊單二
等結夥多人肆行劫掠貽害地方已非一日茲
據佟三等先後首出夥賊姓名併鄉民人等之
公舉陸續擒獲單二等各賊供認於康熙二十
四年十月初六日行劫新城李之虞鹽店又於

二十三年三月二十四日行劫新安縣李買直家又於二十三年八月二十四日行劫新安縣劉向公家又於二十三年十一月二十一日截劫新城縣高橋地方行客張士惇等又於二十四年三月二十五日行劫固安縣流杓村彭麻子家又於二十五年正月初八日行劫易州庄頭郭尚義家又於二十五年三月二十九日行劫固安縣李邦直家歷經研訊各供糾夥上盜

得贓瓜分情由自認不諱除朱一虎張朝公取供後病故高佐拒捕殺死俱毋庸議外單二侯君平劉五回子李大鬍子李明見白勇小趙禿子劉方盛劉方正于士賢侯三管二周天才梁之英梁大柱張二卽破房子俱應依強盜得財律擬斬楊西樓王遇奎劉三依响馬強盜律擬斬梟示張大卽破樓子雖未同行上盜但知情分贓並斬不枉佟三王三王和尚俱自行出首

內佟三所刦二案夥賊已經傷人照例克軍係
旗下人解部發落王三王和尚相應免罪已獲
鳥鎗給還失主未獲贓物照例追賠無主馬匹
等物變價入官張福龍共知謀情審未上盜分
贓張三瞎子明知侯四爲盜不行舉首分別杖
懲侯二侯五侯三傻堅供並未與侯四等同夥
行刦佟邦輔家人爲盜已經出首俱毋庸議逸
賊侯四魏四董昭康祥孫二陳大傻子高文善

劉二達子李二高五併不知姓名三人嚴緝獲
日另結其新安縣李買直劉向公被刦二案據
稱失主未經報官俟查明取結另行報部固安
縣民人李邦直私養馬匹查取該縣失察職名
另疏

題叅再查王和尚併伊妹王氏因在李大鬍子家
傭工被其強霸並非賣身王和尚應斷出爲民
王氏交給伊父領回理合具

題伏乞

勅部核議施行康熙二十五年七月十八日題二十九日奉

旨三法司核擬具奏該刑部會同都察院大理寺會看得強賊單二等結夥行劫一案據直撫于成龍審擬斬戍杖罪具題前來查單二等結夥多人各持器械肆行劫掠於康熙二十四年十月初六日單二白勇楊西樓侯君平劉五圃子李

大鬍子李明見劉方盛劉方正朱一虎張朝公

佟三侯四魏四董昭等行劫新城縣李之虞鹽

店將失主腿上刺傷得銀錢衣服等物二十三

年三月二十四日夜楊西樓等六人又同周天

才梁之英管二小趙禿子侯三行劫新安縣李

買直家得銀錢等物本年八月二十四日夜楊

西樓等九人又同梁大桂王遇奎王和尚康祥

孫二行劫劉向公家得衣錢等物於本年十一

月二十一日午後楊西樓等三人又同高文善
劉三劉二達子李二高佐高五各騎馬帶弓箭
腰刀截刦新城縣高橋地方行客張士惇等得
有銀兩於二十四年三月二十五日夜李大鬍
子等三人又同張二破房子王三行刦固安縣
彭麻子家得衣錢等物於二十五年正月初八
日小趙禿子等五人又同陳大傻子並不知姓
名三人行刦易州庄頭郭尚義家得衣錢等物

於本年三月二十九日李明見等八人又同于
士賢行刦固安縣李邦直家將失主斫傷得馬
匹鎗刀銀衣等物茲據佟三王三王和尚先後
首出夥賊姓名并鄉民人等公舉陸續擒獲單
二等該撫歷審各供糾夥上盜分贓俱自認不
諱除朱一虎張朝公王遇奎病故高佐拒捕殺
死毋容議外楊西樓劉三俱合依响馬強盜執
有弓矢軍器白日邀刦道路贓証明白俱不分

人數多寡曾否傷人依律處決於行劫去處梟
首示衆律擬斬立決梟示單二侯君平劉五回
子李大鬍子李明見白勇小趙禿子劉方盛劉
方正于士賢侯三管二周天才梁之英梁大桂
張二破房子俱合依強盜已行而但得財者不
分首從皆斬律俱擬斬立決張大破樓子雖未
同行但同謀分贓張大破樓子亦照強盜但得
財者皆斬律擬斬立決自行出首佟三所劫二

案夥賊傷人未死佟三合依自首強盜雖曾傷
人隨即平復不死者邊衛克軍律應發邊衛充
軍係旗下人解部枷號三個月鞭一百張福龍
同謀未行又未分贓張福龍應照窩主不曾造
謀但與賊人共知謀情不行又不分贓者杖一
百律杖一百折責四十板張三瞎子知侯四爲
盜不行舉首合依不應重律杖八十折責三十
板王三王和尚自行出首所劫案內並未傷人

均應免罪已獲贓物給還失主如不足原失之數將無主馬匹等物變價賠補如仍不足將各賊家產變賠逸賊侯四魏四董昭康祥孫二陳二傻子高文善劉二達子李二高五並不知姓名三人嚴緝獲日另結侯二侯五侯三傻子無干佟邦輔伊家人爲盜已經出首俱無容議王和尚并妹王氏該撫旣稱在李大鬍子家傭工被其強霸俱應斷出爲民李買直劉向公被

劫未經報官固安縣失主民人李邦直私養馬匹之處應聽該撫查明具題到日再議等因康熙二十五年八月十四日題二十七日奉

旨楊西樓劉三俱着卽處斬梟示單二侯君平劉五回子李大鬍子李明見白勇小趙禿子劉方盛劉方正于士賢侯三管二周天才梁之英梁大桂張二破房子俱着卽處斬張大破樓子改爲應斬着監後秋後處決餘依議

奏

